



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 33. Bellicus Reginae apparatus contra Hispaniam.

[urn:nbn:de:hbz:466:1-67246](https://nbn-resolving.org/urn:nbn:de:hbz:466:1-67246)

pi, qui summo cum imperio a Philip-
po II., sub cuius auspiciis expeditio sus-
cipitur, ei præpositus est, quoad omnia
obediant: proposita quoque fuere am-
pla illis præmia, qui in Elifabetham
manus injicerent, eam caperent, &
Catholicæ parti ad sumendum de ea sup-
plicium traderent; demum clausula so-
lemni Pontifex ex Ecclesiæ promptuario
fidei suæ, ac dispensationi credito opes
depromit, & plenam delictorum om-
nium iis, qui huic expeditioni nomen
darent, gratiam facit: præterea con-
ventum est, ut Philippus regnum An-
glicum ad Ecclesiæ obedientiam reda-
ctum, tanquam sacræ Sedis beneficia-
rium a Pontifice, cum titulo defen-
soris fidei, acciperet.

§. XXXIII.

*Bellicus Reginae apparatus contra
Hispaniam.*

Attamen immoderatus hoc summi *Thuan. l. c.*
Pontificis studium Hispaniæ Regis
molimina suo successu frustrabatur; cum
enim Regina hinc Papæ diploma, at-
que illinc validos Hispanicæ classis ap-
paratus fieri cerneret, simulque præ-
maturum scriptum Alani Cardinalis,
qui suam potestatem exercendi avidita-
te plus æquo stimulabatur, conspiceret,
hinc aduersus machinationes, quæ
nonnisi

Sæcul. XVI.
A.C. 1588.

Sæcul. XVI.
A. C. 1588.

nonnisi ex inopinato insultu prosperum exitum fortiri poterant, sese præmunire serio meditabatur: præprimis vero ad Parmensem Principem hæc perscribebat: „Omni ex parte te bellum adversus me parare nuntiatur, hinc a te peto, ut disertis verbis declares, an Pontificis diploma executioni dare iustus fueris: porro si id verum est, meos Deputatos, qui de pace ineunda Burgi agunt, revocabo:„ Parmensis Dux natione Italus, atque ingenio acer, dissimulatione utendum ratus ad hæc nonnisi ambiguis verbis respondit: quapropter Regina rem facile subodorata, ad suam defensionem cuncta necessaria sedulo parabat, solutisque colloquiis, Senatum suum convocabat, qui etiam ei omnem opem, quam sperare poterat, largiter pollicebatur: mox vero illa in Foederatis Provinciis, quotquot poterat, maximo numero naves armis instrui, easque Plimuthi, atque in Britannico Oceano congregari iussit: insuper Regni militibus undique collectis bina castra locabat, quorum primum Tamesis fauces, alterum vero viciniora Londini loca obsidebat: præterea omnes Catholicos, quorum fidem sibi magis suspectam habebat, comprehendi, ceteros vero armis spoliari, cunctasque

ctasque illorum actiones sedulo explorari jubebat.

Sæcul. XVI.
A. C. 1588.

§. XXXIV.

Hispana classis fretum Anglicum ingressa, dissipataque.

Interea classis, quam Hispaniæ Rex pro Anglica expeditione destinaverat, se se mari commiserat. Erat sane hæc classis omnium, quæ unquam Oceanum ingressæ sunt, longe validissima, quippe centum quinquaginta omnis generis navibus instructa, quæ non modo plusquam ad integrum semestre omni apparatu, atque annona abunde erat provisa, sed etiam præter numerosum exercitum quamplurimos diversorum Ordinum Religiosos vehebat, qui exscensione facta populos hortarentur, ut ad Ecclesiæ Romanæ obsequium redirent; Hispani enim credi volebant, quod solius Religionis defendendæ studio hanc expeditionem suscepissent: insuper nihil eorum prætermittebatur, quæ classis a tempestatum sævitia præmunire poterant; hac autem circumspeditione Hispani haud obscure sibi futuram calamitatem præfagire videbantur, quippe classis vix Ulyssiponensem portum egressa mox tam acerba ventorum violentia jactabatur, ut ægre admodum naves hinc inde dispersæ in Coronæ portu

Thuan. &
Spond. l. c.